

**სააქციო საზოგადოება
„საჩხერეგაზი“**

სატენდერო დოკუმენტაცია

**სს „საჩხერეგაზის“ მიერ 44100000 კოდით განსაზღვრული
საქონლის - პოლიეთილენის მილების, გადამყვანების, ელექტრო
ქუროებისა და ელექტრო მუხლების შესყიდვა**

გამარტივებული ელექტრონული ტენდერის საშუალებით

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

ქ. საჩხერე 2016 წელი

ს ა რ ზ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1-რეკვიზიტები.
5. დანართი №2-ფასების ცხრილი.

1.1. სახელმწიფო შესყიდვების ერთიან ელექტრონულ სისტემაში (შემდგომში სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

11.2. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოთ ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენისათვის დაზუსტება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

1.7. სატენდერო განცხადებასა და სატენდერო დოკუმენტაციის დაზუსტების მოთხოვნა პრეტენდენტებს შეუძლიათ სისტემის მოდულის - „კითხვა/პასუხი“ მეშვეობით.

1.9. შესყიდვების პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიაში, წერილობითი მიმართვის შემთხვევაში. ქ. საჩხერე, თამარ მეფის ჩიხი №8. საკონტაქტო პირი: სატენდერო კომისიის აპარატის წევრი ანტონ შუბითიძე ტელ: 599 214 100

2. ტექნიკური დოკუმენტაცია

2.1 პრეტენდენტის სატენდერო წინადადება უნდა შეიცავდეს შემდეგ დამატებით დოკუმენტებს და ინფორმაციას:

2.1.1 ინფორმაცია ტექნიკური მახასიათებლების შესახებ;

2.1.2 ორგანიზაციის სრული რეკვიზიტები, ფიზიკური პირის შემთხვევაში პირადობის მოწმობის ასლი;

2.1.3 ფასების ცხრილი.

2.2. ანგარიშსწორების პირობები:

2.2.1. შესყიდვის სავარაუდო ღირებულებაა 16500 (თექვსმეტი ათას ხუთასი) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2.2. ანგარიშსწორება მოხდება უნაღდო ანგარიშსწორებით ლარში.

2.2.3. ანგარიშსწორება მოხდება 3 ეტაპად. ჯამური თანხის პირველი 30 (ოცდაათი) პროცენტის განაღდება განხორციელდება საქონლის მიღება-ჩაბარების აქტის გაფორმებიდან და სასაქონლო ზედნადების გამოწერიდან 10 (ათი) სამუშაო დღის განმავლობაში, დანარჩენი თანხისა კი ორ თანაბარწილად არაუგვიანეს მომდევნო კალენდარული თვეების ბოლო სამუშაო დღისა.

2.3 შესყიდვის ობიექტის ტექნიკური დავალება:

#	საქონლის დასახელება	ტექნიკური მახასიათებლები	განზომილების ერთეული	რაოდენობა
	მილი პოლიეთილენი	D90X4.3მმ PE-100 SDR21 PN8 (სასურველია შლანგური)	გრძ.მ	200
	მილი პოლიეთილენი	D63X3.8მმ PE-100 SDR17 PN 10 (სასურველია შლანგური)	გრძ.მ	500
	მილი პოლიეთილენი	D40X3მმ PE-100 SDR13.6 PN12.5 (სასურველია შლანგური)	გრძ.მ	30
	მილი პოლიეთილენი	D32X3მმ PE-100 SDR11 PN16 (სასურველია შლანგური)	გრძ.მ	3000
	მილი პოლიეთილენი	D25X2.4 მმ PE-100 SDR11PN16 (სასურველია შლანგური)	გრძ.მ	450
	მილი პოლიეთილენი	D20X2.2მმ PE-100 SDR11 PN16 (სასურველია შლანგური)	გრძ.მ	30
	გადამყვანი	პოლიეთ/ფოლადზე 32/25	ცალი	200
	გადამყვანი	პოლიეთ/ფოლადზე 25/20	ცალი	30
	ელექტრო ქურო	D40მმ	ცალი	20
	ელექტრო ქურო	D25მმ	ცალი	50
	ელექტრო ქურო	D20მმ	ცალი	10
	ელექტრო მუხლი	D32მმ 90	ცალი	200

შემოთავაზებული საქონელი უნდა იყოს მაღალი ხარისხის და უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

2.4. საქონლის მიწოდების ვადები და ადგილი:

საქონლის მიწოდება უნდა განხორციელდეს ერთიანად: ხელშეკრულების გაფორმებიდან ათი სამუშაო დღის ვადაში. მიწოდების ადგილი: **ქ. საჩხერე. თამარ მეფის ჩიხი №8**

2.5. პრეტენდენტის მიერ სისტემაში ასატვირთი მონაცემები:

2.5.1. პრეტენდენტმა უნდა წარმოადგინოს ფასების ცხრილი , ტექნიკური მახასიათებლების, წარმოშობის ქვეყნის, მწარმოებელი ფირმის, მოდელის და საგარანტიო ვადების მითითებით დანართი №2-ის შესაბამისად.

2.5.2. რეკვიზიტები დანართი №1-ის შესაბამისად.

2.5.3. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20% - ით ან მეტით დაბალია შესყიდვის ობიექტის სავარაუდო ღირებულებაზე პრეტენდენტმა შემსყიდველი ორგანიზაციის წერილობითი

მოთხოვნის შემდეგ არუმეტეს 5 (ხუთი) სამუშაო დღის ვადაში უნდა წარმოადგინოს, ატვირთოს ფასწარმოქმნის ადეკვატურობის დასაბუთება ექსპერტიზის დასკვნის სახით ან შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულების შესაძლებლობას.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. საჩხერე

„-----“ „-----“ 2016წ.

სააქციო საზოგადოება „საჩხერეგაზი“, შემდგომში წოდებული „შემსყიდველი“, წარმოდგენილი გენერალური დირექტორის ----- სახით, შემდგომში წოდებული „მიმწოდებელი“, წარმოდგენილი მისი დირექტორის -----სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების საგანს წარმოადგენს შესყიდვების ერთიანი ლექსიკონის 44100000 კოდით განსაზღვრული საქონლის- პოლიეთილენის მილების, გადამყვანების, ელექტრო ქუროების და ელექტრო მუხლების შესყიდვა.

3. ხელშეკრულების ღირებულება

3.1. ხელშეკრულების ღირებულება შეადგენს ----- ლარს.

3.2. ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს საქონლის მიწოდება შემსყიდველის მოთხოვნის შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1. შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც საქონლის მიწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად, ამ მიზნით სს „საჩხერეგაზის“ გენერალური დირექტორის 2016 წლის 4 იანვრის N1 ბრძანებით შექმნილი ინსპექტირების ჯგუფი.

6. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების და ინსპექტირების განმახორციელებელი ჯგუფის ხელმოწერით.

7. ანგარიშსწორება

7.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში ჯამური თანხის პირველი 30 (ოცდაათი) პროცენტის ოდენობით, დარჩენილი თანხა კი თანაბარწილად არაუგვიანეს კალენდარული თვის ბოლო სამუშაო დღისა.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო მიუწოდებელი საქონლის ღირებულების 0.02%-ის ოდენობით.

9.2. წინამდებარე ხელშეკრულების 5.3 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.02%-ის ოდენობით.

9.3. წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

9.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 დეკემბრის ჩათვლით. საქონლის მიწოდება უნდა განხორციელდეს მთლიანად: საქონლის პირველი მიწოდება უნდა განხორციელდეს ხელშეკრულების გაფორმებიდან 10(ათი) სამუშაო დღის ვადაში. მიწოდების ადგილი: **ქ. საჩხერე, თამარ მეფის ჩიხი №8**

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე-შემსყიდველს.

16. მხარეთა რეკვიზიტები:

შემსყიდველი:

ს.ს „საჩხერგაზი“

საიდენ. კოდი: 239403392

მისამართი: ქ. საჩხერე, თამარ მეფის ჩიხი №8

ტელეფონი: 599 214 100

ს.ს „ლიბერთი ბანკი“ საჩხერის ფილიალი

კოდი: LBRTGE22

ანგარიშის ნომერი: GE80LB0114168409456000

გენერალური დირექტორი

დანართი №1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

უფლებამოსილი პირი

(თარიღი)

(ხელმოწერა)

დანართი №2

ფასების ცხრილი

პრედენდენტის დასახელება _____

№	საქონლის დასახელება	ტექნიკური მახასიათ ბლები	წარმოშობის ქვეყანა, მოდელ ი, საქონლის მწარმოებლის დასახელება	საქონლის რაოდენობა	ერთეულის ფასი (ლარი)	საერთო ფასი (ლარი)	მიწოდების ადგილი
1	2	3	4	5	6	7	8
1	მილი პოლიეთილენი						ქ. საჩხერე თამარ მეფის ქუჩა, ჩიხი #8
2	მილი პოლიეთილენი						
3	მილი პოლიეთილენი						
4	მილი პოლიეთილენი						
5	მილი პოლიეთილენი						
6	მილი პოლიეთილენი						
7	გადამყვანი						
8	გადამყვანი						
9	ელექტრო ქურო						
10	ელექტრო ქურო						
11	ელექტრო ქურო						
12	ელექტრო მუხლი						
სულ:							

უფლებამოსილი პირი

(ხელმოწერა)

(თარიღი)